

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 470839 24 St
Tuzla, 11.05.2026. godine

Općinski sud u Tuzli, sudija Antonela Đaković kao stečajni sudija u stečajnom postupku nad dužnikom "JD RENTING TRADE" d.o.o. Tuzla, ul. Paša bunar br. 105, nakon provedenog prethodnog stečajnog postupka, dana 11.05.2026.godine donio je

R J E Š E N J E

OTVARA SE stečajni postupak nad imovinom dužnika "JD RENTING TRADE" d.o.o. Tuzla, ul. Paša bunar br. 105, MBS:32-01-0099-08, JIB:4209891570008.

Za stečajnog upravnika imenuje se Eldina Muratović iz Srebrenika, ul. 21. Srebreničke brigade bb.

ZAKLJUČUJE SE stečajni postupak nad imovinom dužnika "JD RENTING TRADE" d.o.o. Tuzla, ul. Paša bunar br. 105, zbog nedostatka stečajne mase za pokriće troškova stečajnog postupka.

Rješenje će se objaviti na Oglasnoj tabli suda, WEB stranici suda, Službenim novinama F BiH, te dostaviti FIA-i.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Sl. novinama Federacije BiH“, a pravosnažno rješenje će se dostaviti Odjelenju registra ovog suda, radi brisanja stečajnog dužnika iz sudskog registra.

O b r a z l o ž e n j e

Rješenjem Općinskog suda u Tuzli broj 32 0 St 470839 24 St od 15.01.2026.godine, pokrenut je prethodni postupak radi utvrđivanja uslova za otvaranje stečajnog postupka nad imovinom dužnika "JD RENTING TRADE" d.o.o. Tuzla, ul. Paša bunar br. 105, a za privremenog stečajnog upravnika imenovana je Eldina Muratović iz Srebrenika, a sve temeljem člana 61. Zakona o stečaju (Sl. novine F BiH 53/21).

Privremeni stečajni upravnik dostavio je izvještaj o provedenom prethodnom postupku ovom sudu dana 05.02.2026.godine.

Iz izvještaja privremenog stečajnog upravnika proizilazi da je djelatnost društva za koju je društvo bilo osnovano bila trgovina kakaom, kagom čajem i začинима, da je društvo "JD RENTING TRADE" d.o.o. Tuzla, registrovano je sa sjedištem u Tuzli a ovlašteno lice za zastupanje društva je Kovačević Emina. Sjedište društva je bilo na adresi ul. Paša bunar br. 105, Tuzla. Prostorije za obavljanje djelatnosti privrednog društva nemaju uslova za rad. Društvo posjeduje svu potrebnu dokumentaciju koja je privremenom stečajnom upravniku data na uvid. Društvo ima neizmirenih i potraživanih obaveza plaćanja u iznosu od 1.552,85 KM prema Poreznoj Upravi kao i neizmirenih obaveza prema Upravi za indirektno oporezivanje u iznosu od 16.269,89 KM, kao i prema dobavljačima iznos od 30.000,00 KM. Transakcijski račun stečajnog dužnika blokiran je u momentu pokretanja prethodnog postupka za utvrđivanje uslova za otvaranje stečajnog postupka nad imovinom stečajnog dužnika jer u

momentu pokretanja postupka za utvrđivanje da li postoji uslovi za otvaranje stečajnog postupka nad imovinom privrednog društva ima naloga za naplatu prinudnim putem. Imajući u vidu postojeće ekonomsko stanje, finansijsku situaciju, privredno okruženje i tržišnu poziciju, poslovanje stečajnog dužnika nije moguće nastaviti u cjelini niti pojedinim dijelovima. Status računa u izvještaju o računima poslovnog subjekta je blokiran 02.07.2019. godine. Na dan pokretanja prethodnog postupka radi utvrđivanja uslova za otvaranje stečajnog postupka nad imovinom privrednog društva (15.01.2026.) privredno društvo „JD RENTING TRADE“ d.o.o. Tuzla nema prijavljenih zaposlenika. Društvo je prestalo sa poslovanjem tokom 2019. godine, te ne posjeduje imovinu u svom vlasništvu. S obzirom na činjenično stanje imovine, društvo nema mogućnost nastavka poslovanja.

Stečajni upravnik je mišljenja da su ispunjene pretpostavke za otvaranje stečajnog postupka nad imovinom dužnika „JD RENTING TRADE“ d.o.o. Tuzla, ul. Paša bunar br. 105.

U smislu odredbe člana 103. stav 1., a u vezi sa odredbom člana 102. stav 7. Zakona o stečaju F BiH („Sl. novine F BiH“ broj 53/21), a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je Javnim pozivom od 25.03.2026. godine pozvao predlagača, povjerioce i sva zainteresovana lica da u roku od 30 dana od dana objavljivanja poziva u službenim novinama uplate iznos od 3.000,00 KM na ime predujma radi otvaranja stečajnog postupka, iz kojeg predujmljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica objavljeno je u Službenim novinama F BiH broj 26/26 dana 08.04.2026.godine, oglasnoj tabli suda dana 26.03.2026.godine i na elektronskoj tabli suda.

Obzirom da u ostavljenom roku koji je propisan zakonom povjerioci ili neko od zainteresovanih lica nije izvršio uplatu predujma za finansiranje troškova stečajnog postupka, sud je u smislu odredbe člana 102. stav 8. Zakona o stečaju, donio odluku o otvaranju i zaključenju stečajnog postupka, na način određene u izreci rješenja.

Temeljem odredbe člana 102. stav 8. Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBIH i Upravi za indirektno oporezivanje BiH.

Nadalje, temeljem odredbe člana 204. stav 1. i 3., a u vezi sa odredbom člana 190. stav 10. Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti za FIA, dok je odredbom člana 204. stav 2. istog Zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju.

Na osnovu odredbe člana 206. stav 2. Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102. stav 8. Zakona o stečaju sud je postupio kao u izreci rješenja.

**Stečajni sudija
Antonela Đaković**

POUKA O PRAVNOM LIJEKU:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu Tuzla, putem ovog suda, u roku od 8 dana, od dana objavljivanja rješenja u Službenim novinama.